



Que imos facer?

Imos dividir este proxecto de traballo sobre a globalización e a desigualdade en 6 grandes apartados:

- Liña do tempo: A Globalización. Un pouco de Historia
 - Mapa conceptual e texto expositivo sobre a globalización
 - Mapa conceptual e texto expositivo sobre a(s) desigualdade(s)
 - Actividades interactivas
 - Violación dos Dereitos Humanos
 - Exposición oral
- Imos aló?



1º . A Globalización. Un pouco de Historia

O obxectivo desta primeira parte do proxecto de traballo sobre a globalización é elaborar unha liña do tempo sobre a Historia da Globalización. Os pasos para elaborar a liña do tempo son:

1. **Lectura atenta do apartado Un pouco de Historia.**
2. **Eliximos as ideas, conceptos, e acontecementos clave** de cada etapa histórica. Para isto ten unha axuda no apartado Guías: **Táboa contidos Un pouco de Historia** (en pdf por se queredes imprimir e facelo a man, ou en documento editable, por se queredes facelo dixitalmente)
3. **Elaboramos a liña do tempo.** Para isto consultamos o documento A liña do tempo no apartado Guías. En resume, teredes que seguir estes pasos:



- Contido da liña (xa o fixemos no paso anterior coa Táboa de Contidos)
- Deseñamos a liña. Como queremos que sexa? Horizontal, vertical, en espiral, coma un camiño, coma unha infografía...? Bótalle imaxinación!!
- Calculamos a escala: Canto de grande ou pequena queremos que sexa a liña? Importante: a proporcionalidade!!
- Reflexionamos sobre diversos aspectos que poden axudar a que a liña do tempo teña un deseño máis atractivo e que sexa máis clara na exposición de contido. Referímonos ás imaxes, ilustracións,

mapas, forma de presentar a información escrita (solapas despregables, cadros ou círculos de cores ...)

2º. Mapa conceptual e texto expositivo A Globalización / A(s) desigualdade(s)



Nesta segunda parte do proxecto, imos elaborar un **dobre mapa conceptual sobre a Globalización e as Desigualdades**.

Para a súa elaboración lemos e analizamos con atención os apartados Globalización e Desigualdade(s) á vez que imos illando as ideas e conceptos clave. Lembra que podes completar tamén a información que expoñas no mapa conceptual con anexos de información, é dicir, aclaracións, información que consideres ilustrativa ou complementaria, etc e que logo poderá servir de axuda á hora de redactar o texto expositivo.

No apartado Guías podes consultar como elaborar un mapa conceptual. Ademais tes dúas **táboa de contidos** que che pode servir como axuda para a recollida de información previa á elaboración do mapa conceptual.

Finalmente, imos **redactar dous textos expositivos, o primeiro sobre a Globalización e o segundo sobre as Desigualdade(s)**, para o que tomamos como base os mapas conceptuais xa elaborados, así coma os anexos de información. Tes axuda no **apartado Guías O texto expositivo:**

como elaboralo e rúbrica de avaliación.

3º Actividades interactivas

Tes na unidade diversas **actividades interactivas** que che axudarán a dominar mellor os contidos: apartado Actividades.


4º Violacións dos Dereitos Humanos

Nesta parte do proxecto, investigaremos sobre violacións e non respecto dos dereitos humanos. Buscaremos exemplos de non respecto ou violación dos Dereitos Humanos, nos que se discriminan a persoas por razóns de sexo e identidade sexual, ideoloxía, raza etc

Coa información obtida, deseñaremos una cartaz para cada caso.

Este traballo de investigación terá coma un dos obxectivos a preparación dunha exposición para dar a coñecer a todo o noso centro a situación dos Dereitos Humanos no mundo.

Tendes axuda para a elaboración no apartado Guías da unidade.



5º Presentación oral.

Baseándonos nos mapas conceptuais e textos expositivos elaborados, faremos un pequeno guión de exposición para expoñerlles aos compañeiros/as o traballo feito.

Tamén expoñeremos aos nosos compañeiros os traballos de investigación sobre a violación dos dereitos humanos.

Tendes axuda para a elaboración no apartado Guías da unidade.